

ne soit là, e moire en testament ou senz testament, touets les soües choses viengnent en nostre main et en nostre garde, jusque à tant che nos aurons letre dou duc de Venise ou dou bail, chi sera en Armenie, [e] faze la raison des Venetiens, [e] che soient les letres de l'un di aus seeleez; [et] si cum aura ordene en celes letres le duc o le bail si sera fait de la cause dou mort.

E se entre deus Venetiens ou plusors sera contens en nostre terre, le bail de Venetiens chi sera in Ermenie faze la raisons. E se contens sera entre Venetiens et Hermins¹ ou home d'autre nation, chi ne soient Venetiens, ou se faze larecin ou sanc, ou murtre, la raison de ce en [la] nostre roial aute cort se faze. Ensement, se entre le Venetiens, que les deus parties soient Venetiens, se faze murtre, ou sanc, ou larecin, la raison de ce en la nostre roial aute cort se faze. E se contens sera entre Venetiens, e che Venetiens n'y soit a acorder les ensemble, per la raison de l'arcivesque de Sis s'adressent. — Et nos octroions et donons en Laias la cité une yglise, e che il tienent prestre à servir l'iglyse, en memoire de nos et de nos mors. Et celes maisons che leur furent donées per nostre père, nos leur otroions.

Et a greindre seurté nos y avon escrit le roial haut escrit de nostre main e l'avons garni de nostre bolle d'or, en l'an de Ermenie set cenz e vin e un, e a l'endition dex Grex, chi se au mois de jenvier. Ce fut fait à Sis la cité, en l'an nostre Segnor Jesu Christ mille et deus cens e sittante² un. Et le translata et ecrist *Jeffroy* l'escrivein, de mot à mot, si cum il es desous escrit en erminois, per commandament del roy.

[Lib. Pact. III. f. 41. — Liber Albus f. 231.]

1 Hermeniens.

2 Setante.